

242. LITHOSPERMUM HISPIDUM.

L. caulibus herbaceis adscendentibus hispidis, foliis lanceolato-linearibus acutis apice revolutis strigoso-hispidis, calycibus setoso-hispidis longitudine tubi corollae, nucibus granulatis.

L. (*hispidum*) seminibus rugosis, foliis lanceolatis sessilibus apice revolutis. Pers. Synops. plant. 1. pag. 158. Fl. Per. Vol. 2. pag. 5. no. 5.

Habitat in Peruviae locis saxosis. ☉. (v. s.)

Descriptio.

Planta herbacea, hispida, albicans. Radix fusiformis, fibrillosa. Caules plures, pedales, subangulati, ramosi, e punctis minutis callosis hispidi, assurgentes: *intermedius* erectus. Folia sparsa, sessilia, lanceolato-linearia, acuta, integerrima, apice revoluta, e punctis numerosis callosis albis utrinque strigoso-hispida, pollicaria et longiora. Spicae longae, apice revolutae. Flores subsessiles, secundi, in fructu pedicellati; inferiores distantes, bracteis oppositi vel cum iis alternantes, superiores magis conferti, ebracteati. Calyces setoso-hispidi, quinquepartiti: laciniis linearibus. Corolla infundibuliformis, lutea; tubus longitudine calycis; limbus brevis, quinquepartitus. Stylus filiformis, longitudine tubi: stigmatate capitato, emarginato. Noces quatuor ovatae, acutae, rugosae, granulatae.

243. LITHOSPERMUM RAMOSUM.

L. caule herbaceo erecto ramosissimo, foliis lineari-lanceolatis obtusiusculis hispidis margine hispido-ciliatis, ca-

lycibus hispidis longitudine tubi corollae, nucibus granulatis.

L. ramosum. H. W.

Habitat in Mexico. ☉. (v. s.)

Description.

Caulis erectus, foliosus, canescenti-hirtus, ramosissimus: ramis patentibus. Folia sessilia, alterna, lineari-lanceolata, obtusiuscula, semipollicaria et paullo longiora, e punctis minutis callosis hispida, ad marginem ciliata: pilis setosis, distantibus, patentibus, longissimis. Spicae laterales et ex apicibus ramulorum omnium, conjugatae, interdum simplices, foliosae, patentes, elongatae. Flores sessiles, alterni, distantes, bracteis oppositi vel ex alis bractearum. Calyces quinquepartiti, parvi, uti bracteae piloso-setosi: pilis patentibus, longissimis. Corolla alba; tubus longitudine calycis sub limbo pubescens; limbus brevis, quinquepartitus. Noces quatuor ovato-subtrigonae, acuminatae, extus convexae, granulosae, interiore latere glabrae, excavatae.

244. LITHOSPERMUM PAPILLOSUM.

L. caule herbaceo assurgente subsimplici, foliis oblanceolato-lanceolatis papilloso-hirsutis margine revolutis, calycibus hirsutis longitudine tubi corollae in fructu patentibus, nucibus rugosis.

L. (papillosum) seminibus rugosis, foliis lanceolato-ovatis papilloso-hirsutis. Thunb. in Schrad. neuem Jour. 1. Band. 1806. 3tes Stück. pag. 44. → 45. Ejusd. Prodr. Pl. Capens. pag. 54. Pers. Synops. plant. 1. pag. 158. Willd. Spec. plant. T. 1. P. 2. pag. 752.

Habitat in Promontorio Bonae Spei. (v. s.)